

# Me Kōrerorero Tahī

Ko ngā wā e tākaro tahī ai, e mahi tahī noa ai i te kāinga, he wā pai rawa ki te whakapakari i te reo o te tamaiti. Ehara i te mea me whakarite i te wā motuhake hei whakaako. .

Mātakina tō tamaiti, whakarongo ki a ia, ka kōrerorero ai i ngā kaupapa e pai ana ki a ia.

Mā te whānui o ngā kupu e rangona ai e te tamaiti, e pērā ai te reka o tōna reo.



Mā tō kōrerorero mai e pakari haere ai tāku kōrero, tōku reo, ōku tikanga whakarata tangata, ā, ka māmā ake te ako ki te pānui pukapuka.



Matawai te waehe uru, hei ara mō ngā kōnae whakaata me ētahi atu whakaaro e pā ana ki te kōrerorero:

<https://tewhariki.tki.org.nz>



TE TĀHUHU O TE MĀTAURANGA  
MINISTRY OF EDUCATION



TE TĀHUHU O TE MĀTAURANGA  
MINISTRY OF EDUCATION

## Talking Together

### Te Kōrerorero



te reo Māori

Te Kāwanatanga o Aotearoa  
New Zealand Government

# Te Kōrerorero Tahī

## Ko tō reo taketake hei reo mātāmua

Ko tā te tamaiti he mau i a ia ngā kupu - he māmā noa iho ki a ia te ako i ngā reo e rua, e toru.

He taonga tō reo taketake, he tumu reo hei whakawhiti atu ki reo kē atu.

Tukuna te reo kia tupu. Ka mārāma te tamaiti ki tāna e rongoi ai i mua i tana mōhio ki te whakaputa kōrero mō tāna e hiahia ai.

I ētahi wā ka whakawhitiwhiti ia i ngā āhuatanga o tēnā reo, o tēnā reo ki te kōrero kotahi. Kei te pai noa iho tērā.

Tāria te wā, ka mārāma pū te tamaiti ki ngā āhuatanga motuhake o ōna reo, ā, he māmā noa iho ki a ia te peke mai i tētahi reo ki tētahi reo e ai ki te mōhio o te tangata e whakarongo ana.



## He whakawhitiwhiti kōrero

Ko te whakawhitiwhiti kōrero ki te pēpi, ki te kōhungahunga, ki te tamaiti, he kaupapa nui hei whakapakari i tōna roro.

Ka whai wāhi te tamaiti ki te whakamātau i ngā nekehanga, i ngā oro, i ngā kupu, i ngā rerenga kōrero hou, ka mutu ka ako ia he wā anō ki te kōrero, he wā anō ki te whakarongo.

Ko tāu he āta titiro, he tāpae kōrero mō tāna e mahi ai, mō tāna e kite ai.

Ka mutu ana tō kōrero, tukuna he wā kia kōrero te tamaiti (ā-oro, ā-kupu, ā-reo tinana rānei).

## He raweke i te oro me te kupu

Mā te raweke i ngā oro me ngā kupu e pakari haere ai te tamaiti ki te raweke i te rerenga o te reo ā-waha (te mōhio ki te ororeo); he papa whakarewa tērā ki te pānui, ki te tuhituhi.

He pārekareka te raweke i ngā rotarota, me ngā manawataki i roto i ngā waiata, ngā kōrero, ngā toikupu, ngā rotarota kōhungahunga, me te tito hoki i ngā waiata, i ngā rotarota, i ngā kōrero whakakata.

## Te pānui pukapuka me te kōrero paki

Ahakoia te momo pukapuka, te momo kōrero paki, koia rā te huarahi ki te whāngai i ngā kupu, i ngā kīanga, i ngā kōrero paki, ki te tamaiti.

Mā te kōrero mō ngā kaupapa ki mua, ki muri hoki, e puāwai haere ai te pohewatanga o te tamaiti, tona whai whakaaro me tōna māramatanga ki tōna ao.

Tukuna te tamaiti kia takahi i tōna huarahi ake e pā ana ki te pānui pukapuka, kia whai mana ai ōna hiahia, ōna whakaaro.

I ētahi wā ka rata te tamaiti ki te whārangī kotahi noa iho, ka hiahia rānei ki te titiro ki ngā pikitia anake, ka pīrangī rānei ki te hokihoki atu ki taua pukapuka kotahi i ngā wā katoa. Kei te pai. Ehara i te mea me pānui i te pukapuka katoa i ngā wā katoa.

## Te reo whakaahua

Mā te kōrero tahi mō ngā kaupapa huhua o te rā e ako ai te tamaiti i ngā kupu hou, e mārāma haere ai ki tōna ao hoki. Ko tāu hei tautoko i tō tamaiti, he ...

- » Whakaahua i ngā āhuatanga huri noa i taua wā tonu, inarā ngā āhuatanga e aro ai te tamaiti.
- » Whakaahua i tō mahi i a koe e mahi ana; hei tauira, he kōrero mō tēnā wāhanga, mō tēnā wāhanga o te tunu kai.
- » Whakamahi i ngā kupu me ngā ingoa tika, he whakamahi i ngā kupu taurite. Hei tauira, “E tātarīhia ana te puehu parāoa ki te hītari inaianeī. Ka ruiruia ki te taha mauī, ki te taha matau.”